

Таъзия ва унга боғлиқ нарсалар | Фикҳ дарслари (278-дарс)



19:00 / 19.04.2024 3808

Таъзия билдириш маййит аҳлига тасалли бериш, уларни сабрга чақириш, қазои қадарга рози бўлишга тарғиб қилиш ва ажр олишга ундаш ила бўлади.

Таъзия уч кунгача бўлади, чунки Расулуллоҳ алайҳиссалом мотамнинг уч кун бўлишини таъкидлаганлар. Сафарда бўлган одам уч кундан кейин таъзия билдирса ҳам бўлади.

Ҳанафий мазҳаби бўйича, таъзия учун масжиддан бошқа жойда уч кун ўтирса бўлади. Биринчи куни афзал. Таъзия асосан мусибат етган уйда бўлади.

Маййитга йиғлаш ва шунга ўхшаш ишлар

Маййитга овоз чиқармасдан, нолайиқ гапларни айтмасдан йиғлаш мумкин. Овоз чиқариб йиғлаш, дод-вой қилиш, ўзини уриш, кийимини йиртиш каби ишлар мумкин эмас.

Ҳанафий мазҳаби бўйича, маййитга шеър ва бошқа услуб билан марсия айтиш мумкин, аммо мақтовни ҳаддан ошириб юбормаслик шарт.

Мусибатзадалар сабр қилишлари, қазои қадарга рози бўлишлари ва ўтганларига дуода бўлишлари лозим.

Маййитнинг аҳлига таом қилиб бериш

Мусибатзадаларга уларнинг яқинлари ва қўшнилари таом тақдим қилишлари мустаҳабдир. Аҳли маййит дафндан кейинги биринчи уч кунда бошқаларга таом қилиб бериши макруҳдир. Меросхўрларнинг ичида балоғатга етмаган болалар бўлса, бошқаларга таом қилиб бериш ҳаромдир.

«Кифоя» китобининг биринчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.